

<https://news.usm.my>

Berita Mutakhir

27 MAR KEPIMPINAN BERINTEGRITI DAN BERDEDIKASI TONGGAK KEJAYAAN

IMG 20160326 WA0034

PULAU PINANG, 27 Mac 2016 - Naib Canselor Universiti Sains Malaysia (USM) Prof. Dato' Dr. Omar Osman menyeru kepada semua ahli-ahli PALAPES Laut supaya menjadi seorang pemimpin yang berdedikasi dan berintegriti dalam menjalankan tugas yang diamanahkan.

"Seorang pemimpin itu harus mempunyai sikap ataupun nilai integriti dalam diri supaya negara dapat melahirkan generasi pelapis yang berdaya saing dan berdisiplin selain semangat kecintaan yang tinggi pada negara," tambahnya yang juga merupakan Pengerusi PALAPES USM.

12919437 564101627090112 1046642808 o

Sementara itu, Yang Dipertua Kelab Rekreasi PALAPES Laut, Irfan Afif ihsan berkata, majlis pada malam ini adalah sempena dengan meraikan Pegawai Kadet Kanan pengambilan ke-27 yang akan ditauliahkan pada Ogos depan dan juga menyambut kedatangan ahli-ahli dari mahasiswa tahun pertama.

Menurut Irfan, segala persiapan dan persembahan malam ini yang bertemakan 'Inferno Sonata' dilaksanakan oleh mahasiswa tahun pertama PALAPES Laut USM.

"Saya berharap PALAPES Laut USM akan terus memimpin serta mencapai kejayaan dari aspek pasukan pakaian seragam universiti dalam menaikkan nama USM ke tahap yang lebih tinggi dan juga tidak dilupakan kecemerlangan akademik para ahli-ahli," tambah pelajar Sains Matematik tahun 3 ini.

12904025 564101693756772 1093365720 o

12476883

Seramai 200 orang hadir dalam majlis makan malam Pasukan Latihan Pegawai Simpanan Tentera Laut Diraja Malaysia Universiti Sains Malaysia yang berlangsung di Hotel The Royale Bintang Pulau Pinang kelmarin.

Turut hadir adalah Datin Noraizan Jamaludin dan Timbalan Naib Canselor Penyelidikan dan Inovasi Prof. Dato' Dr. Muhamad Jantan dan isteri.

Teks : Hafiz Meah Ghouse Meah

Foto : Koshigan Arumugam



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my \(mailto:pro@usm.my\)](mailto:pro@usm.my)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015